

通志卷之三

名臣

祥符縣舉人 趙林成

同纂

知汝州事三韓白明義

丁穆

陽太守改梁州刺史未發會符堅寇關戰敗被執至長安穆與國中人倡義謀襲長安事泄遇害

劉審交

字求蓋幽州文安人隱帝時爲汝州防禦使乾祐三年卒吏民詣闕上書以審交有仁政乞留葬汝許之州人爲立祠歲時享之馮道曰吾嘗爲劉君寮佐觀其爲政無以踰人非能滅其租賦除其徭役也但推公廉慈愛之心以行之耳此亦衆人所能爲但衆人不爲而劉君獨爲之故汝人愛之如此使天下二千石皆效其所爲何患得民不如劉君乎按此條王志載後五代中今據乾隆癸未州守張士果志稿改正

唐

劉禹錫

字夢得中山人與柳宗元等同貶宗元得柳州禹錫得播州宗元曰播州非人所居而夢得親在堂欲請於朝以柳易播中丞裴度亦以禹錫母老爲上言上曰爲人子不自謹貽親憂則重可責也度曰陛下方事太后恐禹錫在所宜矜上良久乃曰朕所言以責爲人子者耳然不欲傷其親心退謂左右曰裴度愛我忠切得改連州後

盧虔

汝州刺史韓昌黎與盧郎中書薦侯喜是也宋志

劉邈之

彭城人拜汝州臨汝令見鍾離前定錄宋志補

令狐緒

汝州刺史有善政汝人請刻石頌德緒以弟勸爲固讓宣宗嘉其意乃止見一統志宋志補

陸長源

字涿之餘慶孫贈於文學累遷都官郎中出爲汝州刺史清白自持去汝車二乘曰吾祖罷官有重乘圖書半之吾愧不及前人

可想見其清節矣宋志補

宋

呂端

汝寧人相太宗真宗朝爲名宰相
後爲汝州司戶剛直不容邪佞

官弼

河南人熙寧初出判汝州上言新法不可以治郡要
歸洛養疾許之百姓去思甚切後以司空致仕贈大

尉諡文忠汝
人建鄭公堂

蒲宗孟

閬川人元豐中知汝州大得民心郡以安謐

呂希道

字景純丞相文靖孫翰林學士公綽子嘗知汝州見
東坡送其知和州詩注宋志補

周安惠

淄川人仁宗時以禮部侍郎守南京以疾請知潁州
自潁徙陳自陳徙汝州梁縣見王荆公集

周濤

蜀人以著作佐郎知汝州梁縣見王荆公集

程顥

字伯淳神宗朝舉進士熙寧初爲御史後知扶溝縣
因因逸獄謫監汝州酒務弊竇一清尋以宗正丞召

之命下及門而卒朱子熹程明道贊揚休山立玉色金聲元氣之會渾然天成瑞日祥雲和風甘雨龍德

正中厥

施斯普

程

頤

字正叔團練推官歷聘經筵直講竄還議復汝田若干頃朱子熹程伊川贊規圓平方繩直準平允矣君子展也大成布帛之文菽粟之味知德者希孰識其貴

蘇

軾

字子瞻汝州團練副使謝量移汝州表云稍從內遷示不終棄罪已甘於萬死恩實出於再生祇服訓辭惟知感泣伏念臣向者名過其實食浮於人兄弟並竊於賢科衣冠或以爲盛事旋從州府出僱郡符旣無片言可紀於絲毫而以重罪當膏於斧鉞雖蒙恩貸有愧平生隻影自憐命寄江湖之上驚魂未定夢游縹緲之中憔悴非人猖狂失志妻孥之所竊笑親友至於絕交疾病連年人皆相傳爲已死饑寒併日臣亦自厭其餘生豈謂章芥之賤微尙荷朝廷之記錄開其惻悔許以甄收此盛伏遇皇帝陛下

新堯仁天覆建原廟以安祖考正大宮而
廢俱興多士爰集彈冠結綬共欣千載之逢
萬不忍一夫之泣故推涓滴以及焦枯顧惟
無門殺身何益更欲呼天而自列尙口乃窮
心期於異日又次韻張昌言詩馮顛久已歆
眼何曾眩落暉朔野按行猶爵躍東台瞭坐
謾誇年少容吾在若鬪樽前舉世稀
待向嵩陽求水竹一犁煙雨伴公歸

蘇轍

字子由元祐間出知汝州

宋志蘇文忠未至汝考按文忠以元豐七年自黃州
量移汝州訪文定公於筠由金陵至常州八年道中
上書乞歸常得請後被命復朝奉卽起守文登五日
而召自此出入侍從以及南遷逮靖國辛巳北歸遂
卒於常蓋未嘗泄汝也後葬邾之小峨嵋靈爽所憑
祀之於邾禮也前志載祀汝名宦似失實宋志補
楊億
字大年建州蒲城人祥符末知汝州清修正直名冠
當時士人得其隻字以爲式卒謚文公

楊億

字大年建州蒲城人祥符末知汝州清修正直名冠
當時士人得其隻字以爲式卒謚文公

王素

知汝州政餘書不去手遇事立決有善政

朱景

知汝州葉驛道遠隸囚爲送者所虐多死俗稱爲葉家關景重禁以絕其患

李大臨

知汝州辰溪貢丹砂道經葉縣共二篋化爲雙熊門山谷間耕者獲之人疑爲盜械送至州大臨識其異訊得實

釋耕者

韓維

知汝州尋召還元祐初知鄧州久之復知汝州民大悅

蔣之奇

元符初知汝州孜孜民事郡人服之

張采

字文潛淮陰人三歲能文十七作函關賦有柯山集

元祐間天下論文多曰晁張晁無咎張文潛也見文獻通攷蘇子瞻稱其文汪洋冲澹有一唱三嘆之妙

以太常少卿出知汝州有望嵩樓詩嘗誨人作文以理爲主謂六經諸子皆寓理之具學者

奉爲至言見統譜及淮安志宋志附

劉才邵

字美中廬陵人大觀中爲汝教授嘗懷五

謝

賦

欽宗時知汝州嘗上封事論事切至後提點京西

韓絳

知汝州

趙子標

知汝州靖康中與祖述共守汝城

劉斐

知汝州有政聲見義士類種張讓田事

盛陶

元祐中知汝州

葉少蘊

以草童貫進司徒制誥無褒美詞以龍圖出守汝州

張大中

監汝州石塘鎮今州西有石臺鎮或卽其地

種諤

字子正世衡子爲汝州團練副使

金

趙思文

字廷玉永平人明昌五年進士貞祐中陷沒鄴城關
關南渡遂爲朝廷所知歷號州刺史汝州防禦使金
安集慶兩軍節度使召拜禮部尚書爲人誠實樂易
自少有君子長者之目南狩以後趙吏部子文揚禮
部之美趙禮部周臣陳司諫正叔與
廷玉皆完人終始無玷者也宋志補

元

周尙文

潁川人至元間爲梁縣尹建學校表忠節繪農桑圖
教民耕種民咸懷之

韓約

真定人至元間守汝州吏有受貴人賄而因死佃戶
者乃以病革告約察其非按吏罪歲歉粟價騰貴約
發倉賑之

民得全活

尙野

字文蔚滿城人至元二十年爲汝州判官廉介有爲
累遷集賢侍講學士追封上黨郡公謚文懿詳載元

史本傳著有汝州

望嵩樓記宋志補

胡潤祖

廣平人至正間知汝州勸農興學救災恤民爲立
德政碑

明

官謙

福建長汀人永樂中知汝州恭慎慈愛先是民多流
亡謙招撫免役歸者以千計文廟頽圯割俸新之

沈貴

字庭臣浙江崇德人貢士宣德年知汝州初至卽詢
宿弊編民戶等級以均差徭循行田里教民樹藝作
陂堰溉田修學校課生徒教養備舉卓著循聲卒於
官士民感慕立祠祀之謝文正遷爲撰記云宣德甲
寅侯自太學生拜是州甫下車卽詢所以惠民之要
道及利弊可興革者相地宜均水利高阜之坂下濕
之隰皆親教民荷畚鍤作坊壩以備旱澇又擇長主
之如聚寶等陂塘渠堰皆侯所修利田賴以成者數
千百頃嘗單車行阡陌教民播種五穀所植無失其
宜民有貧無種具者勸富室貸以貲察其勤惰而賞

罰之又計戶課植桑棗數年間蒿鬱成林民迄今獲其利無算雨暘少愆侯輒憂形於色齋沐懇禱必應而後已初歲凶盜起侯多方捕逐表鄉民劉義爲巡檢以旌獲賊之功民無不用命者盜遂以息民有流徙他方招徠之爲寬其征徭並校勘版籍定其等差以均役賦舊有預備倉侯至始斂散有經民皆被實惠焉侯始至時公帑積逋累累府司督責甚亟侯措置得宜踰年悉完足之無纖悉累民學宮額祀久侯撤而新之民不言傷勞而壯麗視舊有加每歲學考課問難日昃忘疲飲射諸禮皆次第行之尤重優禮師儒故師道立而士皆知向學自是科貢亦輩出矣民有以事相告爭者不繩以法先以禮慰諭之多自慚悔而退刁訟遂息獄無留繫雖有豪猾亦服侯仁信不敢欺旣久民物阜康禮讓興行汝民庶幾近古歟正統癸亥卒於官在州十年始終如一還嘗伏取一統志歷考南陽名宦載侯績大畧如所陳不誣焉呼若侯者亦可謂當今一循吏矣昔李冰文翁皆廟食於蜀更千百年不廢蓋冰以養翁以教皆非近功

淺效之爲宜蜀人德之之深也侯於汝兼冰與霜
有者而有之安知侯之祠在汝不猶獨乎第曰古
循良與惟懷悌悌以悅安悌以強誨沈侯於時乃
有之有父之教有母之慈惟侯之仁宜此後民侯
于民則申申民有衣食侯而足民有柔養侯
而復無流而疆無暴而狂以安其居以遂其性侯在
汝矣民則裕矣侯其逝矣民何怙矣去思有碑血食
有祠固天之常匪民之私班班志冊具載侯績自世
而下長民之則汝民思侯山峙水流侯不忘汝恍惚
來遊載新其廟載肖其貌載勒貞珉以彰攸報

彭綱

江西清江人宏治年知汝州事所開仁義渠一道坐
落城東今已久廢仁義渠碑記在東司大門內

陳伯友

山東濟寧州人有惠政

王之誥

湖廣石首人進士嘉靖二十二年任汝州巡道妙齡
偉望倜儻有大畧時強寇師尙詔橫甚誥禦之於郊

邑威名大著又爲本州城內

開立後街官至刑部尙書

王洙

浙江臨海人嘉靖間任汝州巡道撫馭有方恩威並著本州原隸南陽自郡司馬滕公昭抗疏改直隸後南陽奏爭不已賴公力爭得免官民至今德之大學士賈詠遺愛祠記汝州之屬四魯山郟縣寶豐伊陽考其城舊隸南陽道逆而阻山行幾四百里尤患處成化間少司馬滕公中丞原公請於上遂隸藩司官民稱便者逾五十年於茲矣今上改元嘉靖戊子南陽府判以省檄督捕至謂汝爲舊屬以疏白於臺中丞潘公將行其言令藩臬諸君議汝人驚且愕會王使君出按汝四屬士民合詞具疏陳四不可攀轅遮道泣以求允使君懼以狀白諸臺委曲引喻始復隸藩司衆乃帖然汝之士民感公之力且懼將來復有紛更僉謀勒石以垂永遠囑余記之昔先王建郡設邑疆理天下定經制以整屬其民內外相攝大小相維用底咸和之治者其道有二制與政而已自夫裂都會爲郡縣廢侯衛爲守宰其制未嘗不得率之人怨吏畏而紛亂不已者非制之咎政之咎也是以

同人於野亨詩曰乃順乃宣而無咎嘆是已夫南陽之領汝屬制也汝屬之隸藩司亦制也人情之順逆事理之可否酌其所宜正其制而亦不拂乎民君子之政焉可誣耶夫民之不欲隸南陽者非逃南陽也以道修而多阻之患也郡南而省北山行虎噬道修且阻如此民之弗從奚啻四一不可哉由此而觀郡邑之相隸惟視守宰之能理與否耳苟令小民怨咨而紛亂者非制之咎政之咎也使君斯舉其大同於民而不悖夫制歟然後知君子之政在得民得民者在心得其心則施化易而政無不舉矣噫南陽之隸不可復而藩司之隸不必易亦利民之永圖哉後之君子尙其審諸使君名洙字崇教浙江臨海人由秋官而擢憲臺所至吏畏民懷有不可殫述者里人於公之沒後建祠以祀其遺風善政今猶嘖嘖人口也

安世賢

陝西秦州舉人正德五年知汝州有惠政以憂去士民追思之爲立生祠

張崇德

字履謙山東沂州人進士正德十四年知汝州剛明廉慎誠心愛民擢南京戶部員外去之日士民涕泣

攀轅者

數十里

范衷

江西人知汝州值歲荒變鬻家產代民完糧二年蒙旌賢能第一

張鎬

直隸定興人進士嘉靖三十一年知汝州重學校節征科庠民懷之陞山西潞安府同知民立遺愛亭

楊錦

字尙綱山東益都人進士嘉靖三十五年知汝州英年練達招撫流移激勸士類歷陞都御史

林騰蛟

福建泉州人進士嘉靖三十九年任巡道力剪伊藩軍民利害多所振刷士民德之立祠於西關明州守

方應選重修記云余旣飭脩蘇祠而林祠當其巽隅猶圯也夫以二蘇之賢爛焉簡冊顧得與並廟食意其人必千古錚錚而志多軼弗載乃延問三老所爲祠公狀則口碑在焉蓋公嘉靖間觀察洛汝循聲治績史不勝書時伊負瀛相勢赫如也官奴晝攫人藏命作奸道路以目有司稍繩三尺則恚且掠去令伶工辱諸市故當時賢士盡棲遁公至投袂而起曰是

豈人臣狀歟時乎農將耕圖盤膳何及正謀之參

某郡守廉諸不軌劾去之一紙書剪強灌如秋葉
白日隱而復現此其功何可漫漶語云天道無親常
與善人伊廢而公遽暴卒此理卒不可解而或謂伊
卿公恨不得傳刃竟中鳩以死嗟夫裴中立武元衡
夫非其人與幸而爲中立不幸而爲元衡皆以身殉
者也易不云乎幾事不密則害成倘事未發而幾爲
所窺斧鑕如飴遑恤其它顧士君子任害於身而不
忍害於國逆濠之孽孫許首櫻其鋒新建密而收之
功固相埒况九江血歟慘於七國岌岌乎殆哉公處
伊咄嗟而定死於事成之後將從孫許含笑九原而
新建應讓功也公之並祀蘇也豈非文章節義並存
天地間耶余故丹堊其祠號爲三賢坊蓋與二蘇鼎
立云公諱

騰蛟閩人

孫 鎡

浙江餘姚舉人都御史忠烈公之孫嘉靖四十一年
知汝州有善政州民立祠東關有去思碑

方應選

江蘇華亭人萬歷間知汝州文章政事卓絕一時張
維新汝志序云汝當河陽郊廓中嵩精礮結蓋天地

間一名區也不佞生長其間覩疆域秀發風俗龐厚
庶幾汝墳之遺猶有存乎而稽厥志乘顧汝汝弗修
爲汝闕事不佞竊有志焉平江艾先生穆遊斯土前
刺史楊以此事謀之稍稍輯業而楊以遷去繼至者
莫能竟文獻幾亡幸也萬歷己丑雲間方公以名進
士來牧汝文章吏事卓著一時未及期人和政通百
墜具舉公餘輒進生徒講解而慨然以志乘爲念爰
咨故老得艾本亟爲成之不浹月竣事不佞與郡中
二三長者各捐貲助剞劂而公乃授不佞以校讀再
過知公之殫心力於汝勤功德於汝者大也環汝皆
山也而崆峒爲最世傳崆峒有三其在秦者共推廣
成真址及考七聖襄城之迹於大塊具茨之訪則汝
去襄茅獨近崆峒固在汝無疑也積石龍門支決入
汝潌洄曲折而合於頽詩曰遵彼汝墳是可以弔禹
功想文化矣山川蜿蜒挺起賢哉若巢由隱冷淵鬼
谷辟雲夢膠東沒世稱賢頌魯公以身殉國詞賦之
庭芝道德之兩程此其尤彰明較著者生斯至斯雲
湧龍翔未易一二屈指數也假令非藉殺青將漉而

靡著矣是舉也廣成子以後實嘉方大夫之惠蓋
不獨異顧志之者重耳方大夫三寸管不爲吾漢上

九鼎

劉觀文

江蘇丹徒人萬歷壬寅任汝州創築磚城興賢育才
循聲卓卓陞禮部員外郎去後民思建祠祀之

魏公韓

湖廣黃岡人崇禎末任汝州巡道土賊流寇內外交
訌公單騎服衆人咸憚之

林一柱

福建莆田人進士崇禎末任汝州多惠政去後建祠
於東關祀之久廢今置主附劉公祠

錢祚徵

山東掖縣人崇禎末知汝州時土賊聚衆萬餘依山
爲巢祚徵練鄉勇千餘人作爲守城計忽夜半開門

從間道抵其巢賊不爲備大破之又令民十家立一
寨有警相救賊屢失利遂詣州降後流寇犯州中流
矢力疾登城督戰以礮擊賊風逆火返賊乘以入遂
遇害從公在汝者弟祖徵姪青家僕十餘人皆死見
廣輿記宋志補有
墓誌銘附忠臣類